

Wojcieszowski Stanisław

Pęcherzyński Adam Stanisław Acroama Subramaniam  
et pollinis -

PANEG. et VITAE

Polon. Fol.

№ 1095.



A

D  
Z

V  
fo  
c

M

In

m

In



ACROAMA  
LUBRANSCIANI  
APOLLINIS

Magno & Meritissimo Honori

PERILLVSTRIS & REVERENDISSIMI DOMINI

D. NICOLAI  
ZALASZOWSKI

Vtriusq; Juris Doctoris, Protonotarij A  
stolici, Ecclesiæ Cathedralis Posnaniensis  
archidiaconi, Caesarum Consistorij Judicis  
Surrogati, Seminarij Provisoris,  
S. R. M. Secretarij

Mecænatis Academiæ Munificentissimi,  
Im

Inter acclamations publicas, & solemnia Auspicia Ar  
chidiaconus Ecclesiæ Cathedralis Posnaniensis  
renunciaretur,

APPLAUDENTIS.

PER

M. ADAMVM STANISLAVM PECHERZYNSKI In Alma  
Universitate Cracoviensi Philosophiæ Doctorem, in Collegio Lubransciano  
Posnaniæ Pœseos & Matheseos Professore,

In Argumentum debitæ Observantiæ, venerabundo Cultu  
CELEBRATVM.

Anno plaudentis Naturæ humanæ ex Incarnato DEO 1695. Die 8. Augusti  
Typis Academiæ Posnaniensis.

n. n.



In Gentilitium **INSIGNE**  
**PERILLVSTRIS & REVERENDISSIMI DOMINI**



En **CAPUT** excelsis radians Virtutibus, inde  
 Promeruit Cleri, totius esse **CAPVT**.

**IOANNES** de Malczewo **MALCZEWSKI**  
*Subdapiferides Callissim: Pöds: in Acad: Pozn: Stud:*  
 Supremum **PRÆSVL** **CAPVT** est quod dirigit omnes,  
 Hoc **CAPUT** emeritum cætera membra reget.

**IOANNES** de Cerekwica **CEREKWICKI**  
*Pocillatorides Schowensis Pödsos Stud:*  
 Laurea ferta **CAPUT** decorant Virtusq; Corona est,  
 Fausta Coronatus vota gubernet Honos.

**IOSEPHVS** de Iasine **LASINSKI**  
*Pöds: in Acad: Pozn: Stud:*



PERILLVSTRIS & REVERENDISSIMO DOMINO

# D. NICOLA O ZALASZOWSKI

Veriusq; Juris Doctori, Protonotario Apo-  
stolico, Archidiacono Ecclesiae Cathedralis  
Posnaniensis, Judici Surrogato, Seminarij Pro-  
visori S. R. M. Secretario.

Patrono & Protectori Collegij Lubransciani  
Munificentissimo.



*A*mplitudine gratiarum toties pressus ubi sub tanto pondere cadere  
& ingemiscere debuerat, magis erigebatur; hodie tandem procumbit,  
sed ad Tuas plantas, non tam gratulabundus, quam Venerabundus  
Lubranscianus, immo & Tuus, quia Tibi aeternum mancipatus A-  
pollo. PERILLVSTRIS & REVERENDISIME DOMINE. Audet gestie-  
ens applaudere tanto honori Tuo, ad hodiernae inaugurationis Auspicia, sed ma-  
gnitudinem Nominis Tui, non dicam exaequare rudi Minerva, verum ne attin-  
gere quidem ex iusto valens, intra cancellos tibi datus sum arctari cogitur. Ex-  
rumpit tamen ex angustiis suis excessu laetitiae, substernitq; pedibus Tuis, hoc  
quantumvis vile & Nomine Tuo prorsus indignum munus, eo audentius, quia deo-  
votum in illo, & vestigalis gratitudinis ac debite venerationis Tibi Protectori  
suo deponit testimonium. Erubescit quidem in conspectu Tuo, cum tam exili opel-  
le apparere, ceterum & hoc grandescet ab illustri vultu Tuo, si illam benigno  
oculo acceptare non dedignatus fueris. Quid enim non subito illustrius ubi Tuum  
amplissimum sub intraverit sinum? quid non Majestuosius? ubi vel fimbriam sal-  
tem magnitudinis Tuae tetigerit. Kadians quippe tersissimis sapientiae splendori-  
bus, Claritudo Tua, etiam umbratilia quaeq; & serenare potest & beatere. Nam  
Candidam nativog; chore plenum CAPUT Tuum, non tam senio, quam diuturnis  
laboribus nivolum. Viva Omnium scientiarum officina est, tantoq; ingenio conspi-  
cuum, ut omnium ferme saeculorum ingenia exhausserit, CAPUT hoc Tuum. Aur-  
um optimum est, quia laureis coronatum, quibus Aurum cedit Omne cum Perside  
tota: quod, licet sit animorum Compendium sapientiae, fastigium, summitas, & A-  
pex eruditionis non tamen tumida ceruice, in altum erectum, nec tetrica fronte (nisi forte viris) indignabundum: immo verò omnibus est affabile, omnibus accessi-  
bile, ad omnes prorsus omnibus se submittit, ita tamen, ut nec humanitas  
Autoritatem, nec facilitas dignitatem, nec iusta severitas amorem ejus diminuat;  
eodq; hoc decus in Te admirabilius, quò rarius, vix enim a teui contingit & abun-  
dare fortunā & carere superbiā, Certat enim pro Te ad Aras pietas, ad Tri-  
bunal



bunal iustitia, ad Continam Themidis sapiens integritas inter pares affabilis gra-  
tia, inter superiores non fucata reverentia, cum inferioribus dulcis comitas cum  
omnibus candor, & quidem ille Cygneus, quò ut senium ita & animus Tuus inca-  
nuit. His ergo usq; ad animorum delicias velut Aurea Herculis Catena, omnium  
cerda ad Te trabis omnium mentibus illaberis, & cum jam mellas cordium apud  
omnes occupaveris, ipsis quoq; Purpuratis Principibus factus & delictum & illiciu.  
Hinc apud Gelissimum Principem, Illustrissimum & Reverendissimum Dominum Do-  
minum STANISLAVM in Magna Wiltwica. WITWICKI DEI & Apostolicæ sedis  
gratia Episcopum Posnaniensem Ducem Crobensem &c. &c. summum ingeniorum  
æstimatorem & corculum sapientiæ, ingens Tui æstimatio, qui videns Te in  
Consummata prudentia Lycurgum, in iustitia Aristidem, in gravitate Catonem  
in dandis consilijs Consuem, in solertia Curium, in experientia Fabium, in  
eventibus prospiciendis oculatissimum Argum, in sustentandis oneribus Atlantem,  
alijsq; gravissimis functionibus parem, & idoneum Alcida, sciens præterea Te  
nihil posse agere, quod non sanctitatem, quod non equitatem, quod non iustitiam  
redoleat, non immerito altioribus honorum stipendijs in compensatione meritorum,  
Te cohonestandum esse iudicavit, & fecit quidem id PRÆSVL Illustrissimus, dum  
Te candidissimis Peraugusti Capituli suffragiorum Calculis, ARCHIDIACONVM  
eligendum præsentavit, effecitq; ut desideria omnium gaudia tandem fierent, Tuiq;  
inter gemmas Cathedralis Basilicæ Posnaniensis Claritudine Virtutis & sapien-  
tiæ in gratis expectantium Oculis, Oculis & ipse PRÆSVLIS lucidissimus quia AR-  
CHIDIACONVS radiares: non acceptione aliqua honoris Tui quem ita Vir-  
tute supergressus fueras: sed ævi nostri felicitate cui servatus es: ut jam ex  
Te ipso coronatus, ipsum etiam honorem supereminentibus meritis coronares.  
Prepende ergo iam titulos, computa factos, quos pulcherrimis Virtutum meritorumq; inge-  
nium decoramentis abunde implevisti. Collige & collige in Augusto. Omni fruge Augustiorem  
gloria Tua fructum, Mensis hic, vel in Te ipso Vberissima meritorum messis est. Nihil iam Tibi  
ad felicitatis Aceruum deest: dum tanta decorum Vbertate bearis. Occupa eam Iurisdic-  
tionis sedem, quam cum honore is hoc iure merito capeffis, suscipe regimen super Clerum, cui Te  
superi, ut faustissime destinaverunt, ita Vividum & in columem diutissime servent. Iam autem  
in lyrum CAPVT Tuum usq; ad prodigium & stuporem dotibus eximis coronatum, quod iam  
dudum Ecclesiæ DEI lapis Angularis, non quidem aliqua Volubilitate rotundus sed firmitudine  
constantia atq; humilitate cordis quadratus, ut omnibus immotus modo Diocesis huius Posnani-  
ensis firmissima Basis & murus Aheneus esso. In qua cum dulci recordatione perennabit No-  
men Tuum.

dum Terram pontus. Cælumq; levabit

Aer, & longi Voluent Tirana labores.

Ibitq; per Ora Virum, disertissima præclare factorum Tuorum fama, ad seram posteritatem  
processura, cui nec ipsa fata triste imperabunt silentium, quo Augusta meritorum Tuorum deco-  
ra desinat Orbi recensere. Viri interim tot ætates, quot candidos juvenum Tibi calculos habes,  
Aurea sæcula Vive, quia Vir aureus, quod dum Tibi APOLLO millenis exoptat Votis, hunc  
quamvis laudibus Tuis imparem, quem tenui MVSA sub PINV LVBRANCIANO cecinit  
plausum proæ Cultu, Tuis subijcit plantis.

Per me qui sum

PERILLVSTRIS & REVERENDISSIMÆ  
DOMINATIONIS VESTRÆ

Infimus cliens & humillimus servus

M. ADAMVS PECHERZYNSKI

Phia: Doctor, in Collegio Lubr: Pœs, Professor.



**A C R O A M A**  
**LVBRANSCIANI**  
**APOLLINIS**

Magno. & Meritissimo Honori

*PERILLVSTRIS & REVERENDISSIMI DOMINI*  
**A P P L A V D E N T I S.**

**X** Ocibus Aonijs, sacrae resonate Sorores  
Latum Sarmatico, personet orbe melos  
Tollite dulcisonos celsum super aethera cantus  
Musæ, Cælicoli pignora clara Jovis.  
Cyrrhæis imbuta vadis, & nectare metra  
Ad numeros magni Nominis inde fluant.  
Emeritum celebrare Caput meritisq, decorum  
Incumbit doctis ingeminare modis.  
Quanquam sponte sua pretium fert nobile virtus  
Laudatore carens, sufficit ipsa sibi.  
Non eget in comptis verborum plausibus hæres  
Vocalis semper prosperitatis honos.  
Attamen ut liceat tenui modulamine Vati,  
In tantum sacri pectoris ire decus.

B

Da ve-



Da veniam sublime CAPVT, pretiosius auro  
Ac omni quidquid Colchica lana tenet.  
Da veniam metris quæ crede minora videbîs  
Ac nunquam factis appropriata Tuis,  
Nunc LVBRANSCIAO veniunt solatia Clivo,  
Festiuus resonent Præfulis atra jugis,  
Prælati culmen ZALASOVIVS occupat alti.  
Præfuleiq; Oculus cordis ab inde venit.  
Sic post sudores exantlatosq; labores,  
Conveniunt tanto præmia digna Viro  
Sic ratio mandat sic ipsum postulat æquum.  
Sic & stelligeri iussa Tonantis avent.  
Magne Vir atq; decus Cathedræ lux inclyta Cleri  
Suscipe pro meritis præmia justa Tuis,  
Præmia doctrinæ vigili, quæ nempe parasti  
Munus Prælati, poscit habere Themis,  
Et meritis debetur honos, & gloria factis,  
Jure ergo cedunt munera tanta Tibi.  
Inde Diæcesis Pôsnæ nunc gaudia mille  
Concipe læta simul júbila magna cie,  
Instaura plaususq; Viro composito tanto,  
Qui Tuus est Judex, blandus & ille Pater.  
Siquis magis flagrantantum cognoscere Nomen  
Et dotes animi, discere forte cupis.  
Audi; quale Tibi votum dabit Augur Apollo,  
Musarum Præses Pierijq; Chori.



Lux Lubransciacæ sedis, quem protegit alta  
PINVS, ab adversis impetibusq; feris,  
Est Vir hic insignis cuius laus inclyta fervet  
Junctaq; virtuti sidera fama petit,  
Nectar Cui verbis & dulcis in ore voluptas  
Raraq; congesto gratia fonte fluens.  
Hic virtutis amor, probitatis dulcor & æqui,  
Eximium veræ tum pietatis opus.  
Divini Zelans cultus pronusq; subire  
Mille vias mortis, pro grege proq; Deo,  
Ac si Relligio spectetur vera Deorum  
Est veræ merus Relligionis amor  
Romanum superat cultâ gravitate Catonem,  
Nestora Consilij, Attiliumq; fide.  
Ft simul eximium superat virtute Metellum,  
Eloquio Marcum, relligione Numam,  
Ingenio magnum quondam præcellit Ullisem,  
Ac veteres animi Nobilitate Viros,  
Justitiam servat iusti tum pondus & æqui  
Atq; docet Clerum jura tenere Dei.  
Immani studio sinuosa Volumina Juris  
Verlat, & assiduo plena labore legit,  
Bartholus & Baldus se victos iure fatentur,  
Et quisquis iusti, Nomen & omen habet,  
Ex Jure obiectis, quàm respondere paratus,  
Jus Consistorij dicere grande potest.



Addo quod in dubijs nunquam vox faucibus hæsit.

Ad respondendum, lingua diferta paret,

Non memini vidiq; simul præfente locuto,

Qui melius nodos solveret ore graves,

Neue fecuturo sua virtus occidat ævo,

• Extendit famam per pia facta suam,

In cultus Superum, dives fortuna locatur,

Divorumq; facras, condecorando Domos.

Respice si dubitas Crucifixi vulnera Christi,

Quæ prope miraculis prodigiosa colis;

Respice quàm pulchro decoratur honore Capel-

Munificâ sanctæ dexteritatis ope. (la.

Eximium Columen Regni, fidusq; Polonum,

CANTIVS; auspicio nobiliore sonat,

Cujus festa dies, solenni cernua luce,

Illustrisq; novo, semper honore viget,

In cuius cultum Censu potiore refertur,

Magne ZALASZOV | Relligiosa manus:

Auro non parcit quod sæpius errogat usu,

CANTIVS ut Nostro Climate notus eat,

Mecænas celebris studij, Nostræq; Juventæ

Cuius Patrono, Munere turba calet.

Picriasq; suo devincit amore Camænas,

Et censu prohibet, frigora sæva pati.

Largus in extremâ qui paupertate jacentes,

In terris prorsus CANTIVS alter erit.



æsit.  
Istas Centoculus, quondam benè præscilicet Argu  
Eximias dotes, WIERZBOVIANVS Qlor,  
Excepit carum pectus, mediâq; locavit  
Parte sui Cordis, dulceq; mentis onus.  
Præsul quem celebrat doctarum turba sororum  
Quas simul illius gratia larga fovet,  
Narrabitq; canens, hæc tanti dona Patroni,  
Quam longè Nostri hæc fluere vnda fretis.  
Hæc pariter vidit Lechæo fidus in Orbe  
WITVICIVS, nostri gemma decusq; Poli  
Delicium sponsæ Musæi gloria nostri,  
Quod nunc Præsuleâ protegit ille manu.  
Protegit affectu, facundo dives in ore,  
Poloni in facie, iudicioq; Jovis.  
Prælati Munus tanti, vel iudice Cælo,  
Huic ultrò confert auspicioq; Poli.  
Hoc, solito Vir magne gradu conscende Cac  
Quod Tibi debetur, quod meritisq; Tuis, (me  
Faustè & fortunatè istas ascende Curules,  
Quas meruit virtus, gloria, fama Tua,  
Te locus & munus, Cælo dictante poposcit,  
Te quoq; multorum publica vota Virûm.  
Præsulei pupilla Oculi Vitæq; probata,  
Hoc in honore velut Lydius ipse lapis.  
Gratulor hanc sortem supra cecidisse merentē  
Jagielloniacæ gloria magna Domûs.



Quem studijs Puerum Craciæ tenuere Camenæ,  
Hic crevit Patrio prima Juventa sinu.  
Hic puros latices, hic sanctæ dogmata Stoæ,  
Cor sapiens hausit, principiumq; tulit.  
Hic & digna tulit Lechicis Oracula Delphis  
Responsis Cathedras, dogmatibusq; beans.  
Roma sed urgebat, celeres super ardua passus,  
Clima suum memorans, deliciasq; loci,  
Huc Tuus accelerans animus pernicipibus alis,  
Doctrinæ sitiens, & pietatis amans.  
Ille facer totus, cum Pallade totus agendis  
Intentus rebus, Nutibus atq; pijs,  
Nec Campanus ager, nec Floræ culta venustas,  
Tempe & quæ vincunt, Telsala mille joci,  
Nec pulchrum Tybur, vastis nec scena Theatris,  
Amplius haud oculos, hic tenuere Tuos.  
Omnia namq; brevi virtus dexterrima vicit  
Sacris invigilans, ac potiora petens.  
Tu potior Conso, studio Te jungis honesto,  
In Te sacra movet, dulcia vota Themis,  
Tum sensus formare graves, sub iudice Roma,  
Et Cæleri doctas, perficis arte vices.  
Hinc gratus Musis, hinc Doctoralia prenas,  
Et meriti CAPITIS, præmia digna capis,  
Lauro Roma CAPVT cingit mentemq; togatâ,  
Instruit artifici, gloria summa manu.



O Te felicem cui mox in vertice sacro,  
Pignora Musarum, Laureæ ferta nitent.  
Alta petant alij spumantibus æquora remis.  
Ac in consultis, ire sub astra vijs;  
Tu tranquilla petis, securæ tempora vitæ,  
Nec tumor eximium; pulsat inanè CAPVT.  
Sed vix arcanâ voluis sub nube latere,  
Lucem sub modio, non cohibere potes.  
Te vocat emeritis uirtus super ardua factis,  
Te iussit celso summa tenere loco;  
Vt populo monstres magni mandata Tonantis,  
Ostendasq; viam, scandere Regna Poli.  
Ergo felici scandas sublimia calle,  
Et quo cepisti pergere, perge gradu,  
Atq; Diæcesim proprijs virtutibus orna,  
Vrgeat exemplum Mystica vita tuum.  
De Te conceptas hominum spes suaviter auge,  
Adspiciant votis forsq; DEVSq; Tuis.  
Namq; DEUS sacri Te Vir doctissime Cleri,  
Arbitrum posuit, sanctaq; iura dedit,  
Illius ut seruent sanctissima dogmata cures,  
Et cultum sacræ, Te moderante, Domûs  
Splendeat exiguo quamvis decorata metallo  
Sponsa DEI, passim, quæ modo squallet iners  
Firmabit vires successus atq; beatos,  
Adijcietq; Tibi vela secunda DEVS,



Scilicet obsequio, quisquis Cælestia servat  
Vota, sit ac pietas officiosa Polo,  
Non hunc confundent millena pericula vite,  
Nec, qui Tartareas Cerberus haurit aquas,  
Ceu rupes immotus erit, contemptor hiulci  
Fulminis, & ridens tela trifulca Jovis.  
Auspicijs fretus Divinis, omnia vano  
Despectu temerat, cui DEVS ipse favet,  
Et Te supremo virtus coniungit Olympo,  
Cujus ab arbitrio, cuncta venire vides.  
Ergo DEUS faustum nostro Te servet in orbe,  
Concedens meritis omnia læta Tuis.  
Ast postquam superas, animus se tollet in auras.  
Seraq; supremam Mors dabit atra diem;  
Quamvis longus adhuc vitali Circulus orbe,  
Qui Tibi det Pylij tempora longa senis;  
In Tua certatim surgent præconia Vates  
Et Tua Phæbæo Carmine facta canent.  
Incolumem superi longo Te tempore servent,  
Ducas felices, ac sine nube dies,  
Sic Lubransciacæ Musæ sic Augur Apollo  
Sic Tibi Parnassus, doctaq; Turba vovet.







Fortunatus eris, pro Te nam sidera certant,  
A quibus haud dubium lumen & omen habes.  
Jupiter Ascendens, in duros vota labores  
Flectit, at induris dulce Levamen erit,



80  
Diminuit natura graves vincitq; labores,  
Queis virtus robur præsidiumq; tulit.  
Hinc At' antiades volucris Mercurius Ore,  
Fortunam pariter consiliumq; dabit,  
Cæsar utroq; sacros felix superabis honores,  
Ibis Amaltheo dives ubiq; sinu,  
Ast Leo cum Tauro mansuræ robora Vitæ  
Spondent, ac longæ stamina ducta moræ,  
Quæ non livor edax rabidi non jurgia fati  
Scindent, duc plenos sole favente dies.  
Astra favent, faveatq; simul Deus Astra guber  
Vt Tibi longævo secula fonte fluant. (nans,



EX 11 24



s,  
.  
re,  
s,  
ores,  
tar  
ra,  
ati  
ber  
mans,

Biblioteka Jagiellońska



stdr0026723



